



詩經



服部文庫
117
159





雅二 鹿鳴之什二之一

呦呦鹿鳴食野之苹我有嘉賓鼓瑟吹笙吹笙鼓

簧承筐是將人之好我示我周行

承捧也

呦呦鹿鳴食野之蒿我有嘉賓德音孔昭視民不

忼桃偷薄也君子是則是做我有旨酒嘉賓式燕以敖

呦呦鹿鳴食野之芩我有嘉賓鼓瑟鼓琴鼓瑟鼓

琴和樂且湛我有旨酒以燕樂嘉賓之心

鹿鳴三章章八句

倭於危反

四牡騤騤周道倭遲豈不懷歸王事靡盬我心傷

悲

四牡駢駢嘽嘽駘駘馬豈不懷歸王事靡盬不遑啓

處

嘽他丹反

翩翩者騅載飛載下集于苞栩王事靡盬不遑將

次

栩况甫反

翩翩者騅載飛載止集于苞杞王事靡盬不遑將

母

駕彼四駘載駘駘駘豈不懷歸是用作歌將母來

諗

將養也
駘音侵

四牡五章章五句

皇皇者華于彼原隰駘駘征夫每懷靡及

我馬維駒六轡如濡載馳驅周爰咨諏

我馬維騏六轡如絲載馳驅周爰咨謀

我馬維駘六轡沃若載馳驅周爰咨度

我馬維駒六轡既均載馳驅周爰咨詢

皇皇者華五章章四句

常棣之華鄂不韡韡凡今之人莫如兄弟

死喪之威兄弟孔懷原隰裒矣兄弟求矣

脊令在原兄弟急難每有良朋况也求歎

兄弟閱于牆外禦其務每有良朋烝也無戎

烝發
語辭
戎助也

喪亂既平既安且寧雖有兄弟不如友生
饋爾籩豆飲酒之飫兄弟既具和樂且孺
妻子好合如鼓瑟琴兄弟既翕和樂且湛
宜爾室家樂爾妻帟是究是圖亶其然乎

饋陳也
具俱也
孺慕也

丁竹耕反常棣八章章四句

嬰安
耕反

遷升也

伐木丁丁鳥鳴嚶嚶出自幽谷遷于喬木嚶其鳴
矣求其友聲相彼鳥矣猶求友聲矧伊人矣不
求友生神之聽之終和且平
伐木許許醜酒有藇既有肥羜以速諸父寧適不
來微我弗顧於祭酒掃陳饋八簋既有肥牡以

許音呼古反 藇象呂反

速諸舅寧適不來微我有咎

衍多也

伐木于阪醜酒有衍籩豆有踐兄弟無遠民之失
德乾餱以愆有酒湑我無酒醑我坎坎鼓我蹲
蹲舞我迨我暇矣飲此湑矣

蹲七旬反

伐木三章章十二句

天保定爾亦孔之固俾爾單厚何福不除俾爾多

益以莫不庶

固堅也 單盡也
除沐舊而生新也

天保定爾俾爾戩戩無不宜受天百祿降爾遐

福維日不足

戩聲俱盡也
興盛也

天保定爾以莫不興如山如阜如岡如陵如川之

方至以莫不增

吉蠲為饋饋天志反用孝享禴祠烝嘗于公先王君曰卜

爾萬壽無疆

卜期也

神之弔矣詒爾多福民之質矣日用飲食羣黎百

姓徧為爾德

予至也 實實也

如月之恒如日之升如南山之壽不騫不崩如松

柏之茂無不爾或承

升出也 承繼也

天保六章章六句

采薇采薇薇亦柔止日歸日歸心亦憂止憂心烈

家徽狁之故不遑啓居徽狁之故

采薇薇亦柔止日歸日歸心亦憂止憂心烈

烈載飢載渴我忒未定靡使歸恥

聘問也 定止也

采薇薇亦剛止日歸日歸歲亦陽止王事靡

盥不遑啓處憂心孔疚我行不來

來飯也

彼維何維常之華彼路斯何君子之車戎車既

駕四牡業業豈敢定居一月三捷

爾乃禮反 依猶 定如字 乘也

駕彼四牡四牡駉駉君子所依小人所腓四牡翼

翼翼魚服豈不日戒徽狁孔棘

腓猶苳也 棘急也

昔我往矣楊柳依依今我來思雨雪霏霏行道遲

遲載渴載飢我心傷悲莫知我哀

來如字

采薇六章章八句

我出我車于彼牧矣自天子所謂我來矣召彼僕夫謂之載矣王事多難維其棘矣

我出我車于彼郊矣設此旄矣建彼旄矣彼旃旒斯胡不旆旆憂心悄悄僕夫况乎斯語助

王命南仲往城于方出車彭彭旂旐央央天子命我城彼朔方赫赫南仲玁狁于襄央於良反

昔我往矣黍稷方華今我來思雨雪載塗王事多難不遑啓居豈不懷歸畏此簡書萃盛也

嘒嘒草蟲趯趯阜螽未見君子憂心忡忡既見君

子我心則降赫赫南仲薄伐西戎

春日遲遲卉木萋萋倉庚喈喈采芣祁祁執訊獲醜薄言還歸赫赫南仲玁狁于夷

出車六章章八句

有杕之杜有皖其實王事靡盬繼嗣我日日月陽止女心傷止征夫遑止

有杕之杜其葉萋萋王事靡盬我心傷悲卉木萋止女心悲止征夫歸止

陟彼北山言采其杞王事靡盬憂我父母檀車幘幘四牡瘡瘡征夫不遠幘尺善反瘡古緩反

匪載匪來憂心孔疚期逝不至而多為恤卜筮借

止會言近止征夫邇止

杖杜四章章七句

南陔

白華之什二之二

白華

華黍

音栢

魚麗于罍鱔鯊君子有酒旨且多

魚麗于罍魴鱧君子有酒多且旨

魚麗于罍鯉鯉君子有酒旨且有

物其多矣維其嘉矣

物其旨矣維其偕矣

物其有矣維其時矣

魚麗六章三章章四句三章章二句

由庚

南有嘉魚烝然罩罩君子有酒嘉賓式燕以樂

南有嘉魚烝然汕汕君子有酒嘉賓式燕以術

南有樛木甘瓠纍之君子有酒嘉賓式燕綏之

翩翩者騅烝然來思君子有酒嘉賓式燕又思

南有嘉魚四章章四句

章張
反所
張反

崇丘

南山有臺北山有萊樂只君子邦家之基樂只君子萬壽無期

南山有桑北山有楊樂只君子邦家之光樂只君子萬壽無疆

南山有杞北山有李樂只君子民之父母樂只君子德音不已

南山有栲北山有杻樂只君子遐不作眉壽樂只君子德音是茂

南山有枸北山有楸樂只君子遐不作黃耇樂只君子

栲音考
杻女九反

子保艾爾後

梗音庚

南山有臺五章章六句

由儀

蓼彼蕭斯零露漙漙今既見君子我心寫今燕笑語兮是以有譽處兮

蓼彼蕭斯零露瀼瀼既見君子為龍為光其德不爽壽考不忘

龍龍也

蓼彼蕭斯零露泥泥既見君子孔燕豈弟宜兄宜弟令德壽豈

篔徒離反

蓼彼蕭斯零露濃濃既見君子脩革沖沖和樂且

雖萬福攸同

蓼蕭四章章六句

湛湛露斯匪陽不晞厭厭夜飲不醉無歸厚於

湛湛露斯在彼豐草厭厭夜飲在宗載考

湛湛露斯在彼杞棘顯允君子莫不令德

其桐其椅其實離離豈弟君子莫不令儀

湛露四章章四句

彤弓之什二之三

彤弓昭兮受言藏之我有嘉賓中心貺之鐘鼓既

設一朝饗之昭又昭反

彤弓昭兮受言載之我有嘉賓中心喜之鐘鼓既

設一朝右之載抗之也

彤弓昭兮受言橐之我有嘉賓中心好之鐘鼓既

設一朝醕之

彤弓三章章六句

菁菁者莪在彼中阿既見君子樂且有儀

菁菁者莪在彼中沚既見君子我心則喜

菁菁者莪在彼中陵既見君子錫我百朋

汎汎楊舟載沉載浮既見君子我心則休

汎芳 剡反

菁菁者莪四章章四句

六月棲棲戎車既飭四牡駸駸載是常服玁狁孔

熾我是用急王于出征以匡王國

比物四驪閑之維則維此六月既成我服我服既

成于三十里王于出征以佐天子

四牡修廣其大有顛薄伐玁狁以奏膚公有嚴有

翼共武之服共武之服以定王國

玁狁匪茹整居焦穫侵鎬及方至于涇陽織文鳥

章白旆央央元戎十乘以先啓行

戎車既安如輕如軒四牡既佶既佶且閑薄伐玁

狁至于太原文武吉甫萬邦為憲

佶音吉

吉甫燕喜既多受祿來歸自鎬我行未久飲御諸

友魚鼈膾鯉侯誰在矣張仲孝友

六月六章章八句

薄言采芑于彼新田于此菑畝方叔涖止其車三

千師千之試方叔率止乘其四騏四騏翼翼路

車有奭籟第魚服鉤膺脩革

芑音起 奭許力反

薄言采芑于彼新田于此中鄉方叔涖止其車三

千旂旒央央方叔率止約軼錯衡八鸞瑤瑤服

其命服朱芾斯皇有瑤葱珩

軼祈支反 珩惟必反

駸彼飛隼其飛戾天亦集爰止方叔涖止其車三

千師干之試方叔率止鉦人伐鼓陳師鞠旅顯
允方叔伐鼓淵淵振旅闐闐

鞞告也
闐徒顯反

蠢爾蠻荆大邦為讎方叔元老克壯其猶方叔率

止執訊獲醜戎車嘽嘽嘽嘽焯焯如霆如雷顯

允方叔征伐玁狁蠻荆來威

嘽吐丹反
厚吐雷反

采芑四章章十二句

我車既攻我馬既同四牡靡靡駕言徂東

靡鹿同反

田車既好四牡孔阜東有甫草駕言行狩

之子于苗選徒置罟建旄設旒搏獸于敖

駕彼四牡四牡奕奕赤芾金鳥會同有繹

決拾既飲弓矢既訖射夫既同助我舉柴

欣比也
柴子智反

四黃既駕兩駮不猗不失其馳舍矢如破

說文作擘

蕭蕭馬鳴悠悠旆旌徒御不驚大庖不盈

之子于征有聞無聲允矣君子展也大成

車攻八章章四句

吉日維何既禱田車既好四牡孔阜升彼大

阜從其羣醜

吉日庚午既差我馬獸之所同麇鹿麇麇漆沮之

從天子之所

瞻彼中原其祁孔有儻儻俟俟或羣或友悉率左

右以燕天子

儻表驕反
俟詳子反

言終正
既張我弓既拔我矢發彼小豨殪此大兕以御賓
客且以酌醴

吉日四章章六句

鴻鴈于飛肅肅其羽之子于征劬勞于野爰及矜
人哀此鰥寡

鴻鴈于飛集于中澤之子于垣百堵皆作雖則劬
勞其究安宅

鴻鴈于飛哀鳴嗷嗷維此哲人謂我劬勞維彼愚
人謂我宣驕

啓五刀反

鴻鴈三章章六句

夜如何其夜未央庭燎之光君子至止鸞聲將將

將七
羊反

聯之
世反

夜如何其夜未央庭燎晰晰君子至止鸞聲噦噦
夜如何其夜鄉晨庭燎有輝君子至止言觀其旒

庭燎三章章五句

沔彼流水朝宗于海旣彼飛隼載飛載止嗟我兄

弟邦人諸友莫肯念亂誰無父母

沔彼流水其流湯湯旣彼飛隼載飛載揚念彼不

蹟載起載行心之憂矣不可弭忘

旣彼飛隼率彼中陵民之訛言寧莫之懲我友敬

矣讒言其興

沔水三章二章章八句一章六句

鶴鳴于九臯聲聞于野魚潛在淵或在于渚樂彼之園爰有樹檀其下維樛他山之石可以為錯鶴鳴于九臯聲聞于天魚在于渚或潛在淵樂彼之園爰有樹檀其下維穀他山之石可以攻玉

鶴鳴二章章九句

祈父之什二之四

祈父予王之爪牙胡轉予于恤靡所止居祈父予王之爪士胡轉予于恤靡所底止祈父亶不聰胡轉予于恤有母之尸饗

祈父三章章四句

皎皎白駒食我場苗絜之維之以求今朝所謂伊人於焉逍遙

皎皎白駒食我場藿絜之維之以求今夕所謂伊人於焉嘉客

皎皎白駒賁然來思爾公爾侯逸豫無期慎爾優游勉爾遁思

賁彼義反

皎皎白駒在彼空谷生芻一束其人如玉母金玉爾音而有遐心

白駒四章章六句

黃鳥黃鳥無集于穀無啄我粟此邦之人不我肯

穀言旋言歸復我邦族

黃鳥黃鳥無集于桑無啄我梁此邦之人不可與
明言旋言歸復我諸兄

黃鳥黃鳥無集于栩無啄我黍此邦之人不可與
處言旋言歸復我諸父

栩况甫反

黃鳥三章章七句

我行其野蔽芾其樛昏姻之故言就爾居爾不我
畜復我邦家

我行其野言采其葍遂昏姻之故言就爾宿爾不我

畜言歸思復

遂救六反 思語助辭

我行其野言采其葍不思舊姻求我新特誠不以

富亦祗以異 我一作爾 葍音編 誠一作成

我行其野三章章六句

秩秩斯干幽幽南山如竹苞矣如松茂矣兄及弟

矣式相好矣無相猶矣

也似爾

似續妣祖築室百堵西南其戶爰居爰處爰笑爰語

約之閣閣椽之橐橐風雨攸除鳥鼠攸去君子攸寧

如跂斯翼如矢斯棘如鳥斯革如翬斯飛君子攸躋

殖殖其庭有覺其楹噲噲其正臧臧其冥君子攸寧

卜莞上簟乃安斯寢乃寢乃興乃占我夢吉夢維何

維熊維罴維虺維蛇

虺許鬼反

大人占之維熊維罴男子之祥維虺維蛇女子之祥

乃生男子載寢之牀載衣之裳載弄之璋其泣嗶嗶朱芾斯皇室家君王

乃生女子載寢之地載衣之裼載弄之瓦無非無儀唯酒食是議無父母詒罹

斯于九章四章章七句五章章五句

誰謂爾無羊三百維羣誰謂爾無牛九十其惇爾羊來思其角濺濺爾牛來思其耳濕濕

得而純反

或降于阿或飲于池或寢或訛爾牧來思何蓑何笠或負其餼三十維物爾牲則具

爾牧來思以薪以蒸以雌以雄爾羊來思矜矜兢兢不騫不崩麾之以肱畢來既升

牧人乃夢衆維魚矣旄維旟矣大人占之衆維魚矣實維豐年旄維旟矣室家溱溱

無羊四章章八句

節彼南山維石巖巖赫赫師尹民具爾瞻憂心如惓不敢戲談國旣卒斬何用不監

節彼南山有實其猗赫赫師尹不平謂何天方薦

嗟喪亂弘多民言無嘉懣莫懲嗟

尹氏大師維周之氏秉國之均四方是維天子是

毗俾民不迷不弔昊天不宜空我師

弗躬弗親庶民弗信弗問弗仕勿罔君子式夷式

已無小人殆瑣瑣姻亞則無膺仕

昊天不備降此鞠訕昊天不惠降此大戾君子如

屆俾民心闕君子如夷惡怒是遠

屈音介

不弔昊天亂靡有定式月斯生俾民不寧憂心如

醒誰秉國成不自為政卒勞百姓

駕彼四牡四牡項領我瞻四方蹙蹙靡所騁

方茂爾惡相爾矛矣既夷既憚如相疇矣

昊天不平我王不寧不懲其心覆怨其正

家父作誦以究王誼式訛爾心以畜萬邦

節南山十章六章章八句四章章四句

正月繁霜我心憂傷民之訛言亦孔之將念我獨

兮憂心京京哀我小心癡憂以瘳

父母生我胡俾我瘳不自我先不自我後好言自

口莠言自口憂心愈愈是以有侮

憂心惇惇念我無祿民之無辜并其臣僕哀我人

斯于何從祿瞻烏爰止于誰之屋

瞻彼中林侯薪侯蒸民今方殆視天夢夢既克有
定靡人弗勝有皇上帝伊誰云憎

謂山蓋卑為岡為陵民之訛言寧莫之懲召彼故
老訊之占夢具曰予聖誰知烏之雌雄

謂天蓋高不敢不局謂地蓋厚不敢不踏維號斯
言有倫有脊哀今之人胡為虺蜴

虺許鬼反

瞻彼阪田有苑其特天之抗我如不我克彼求我
則如不我得執我仇仇亦不我力

心之憂矣如或結之今茲之正胡為厲矣燎之方
揚寧或滅之赫赫宗周褒姒滅之

正政同

終其未懷又窘陰雨其車既載乃棄爾輔載輸爾

載將伯助予

無棄爾輔員于爾輻屢顧爾僕不輸爾載終踰絕

險曾是不意

魚在于沼亦匪克樂潛雖伏矣亦孔之炤憂心慘

慘念國之為虐

彼有旨酒又有嘉殽洽比其鄰昏姻孔云念我獨

兮憂心慙慙

此此彼有屋蔀蔀方有穀民今之無祿天夭是椽

嗇矣富人哀此惇獨

蔀音速

正月十三章八章章八句五章章六句

十月之交朔日辛卯日有食之亦孔之醜彼月而微此日而微今此下民亦孔之哀

日月告凶不用其行四國無政不用其良彼月而食則維其常此日而食于何不臧

燂燂震電不寧不令百川沸騰山冢峩崩高岸為谷深谷為陵哀今之人胡憯莫懲

率祖恤反憯曾也

皇父卿士番維司徒家伯冢宰仲允膳夫聚子內史蹶維趣馬楛維師氏豔妻嬭方處

趣七走反楛音矩

抑此皇父豈曰不時胡為我作不即我謀徹我牆

刺側反側俱反

屋田卒汙萊曰予不戕禮則然矣

皇父孔聖作都于向擇三有事夏侯多藏不斃遺

一老俾守我王擇有車馬以居徂向

罪勉從事不敢告勞無罪無辜讒口貴顯下民之

孽匪降自天噂沓背憎職競由人

悠悠我里亦孔之痍四方有羨我獨居憂民莫不逸我獨不敢休天命不徹我不敢做我友自逸

十月之交八章章八句

浩浩昊天不駿其德降喪饑饉斬伐四國旻天疾威弗慮弗圖含彼有罪既伏其辜若此無罪淪

向式反

胥以鋪

周宗既滅靡所止戾正大夫離居莫知我勸三事
大夫莫肯夙夜邦君諸侯莫肯朝夕庶曰式臧
覆出為惡

如何昊天辟言不信如彼行邁則靡所臻凡百君

子各敬爾身胡不相畏不畏于天

戎成不退飢成不遂曾我誓御憺憺日瘁凡百君

子莫肯用訊聽言則答詭言則退

誓思列反

哀哉不能言匪舌是出維躬是瘁哿矣能言巧言

如流俾躬處休

維曰于仕孔棘且殆云不可使得罪于天子亦云

可使怨及朋友

謂爾遷于王都曰予未有室家鼠思泣血無言不

疾昔爾出居誰從作爾室

雨無正七章二章章十句二章章八句三

章章六句

小旻之什二之五

旻夫疾威敷于下土謀猶回遘何日斯沮謀臧不

從不臧覆用我視謀猶亦孔之邛

滄滄訛訛亦孔之哀謀之其臧則具是違謀之不

說音反許

臧則具是依我視謀猶伊于胡底

我龜既厭不我告猶謀夫孔多是用不集發言盈庭誰敢執其咎如匪行邁謀是用不得于道

哀哉為猶匪先民是程匪大猶是經維邇言是聽維邇言是爭如彼築室于道謀是用不潰于成

國雖靡止或聖或否民雖靡盬或哲或謀或肅或艾如彼流泉無淪胥以敗

不敢暴虎不敢馮河人知其一一莫知其他戰戰兢兢如臨深淵如履薄冰

小旻六章三章章八句三章章七句

宛彼鳴鳩翰飛戾天我心憂傷念昔先人明發不寐有懷二人

人之齊聖飲酒溫克彼昏不知壹醉日富各敬爾儀天命不反

中原有菽庶民采之螟蛉有子蠛蠓負之教誨爾子式穀似之

題彼脊令載飛載鳴我日斯邁而月斯征夙興夜寐無忝爾所生

交交桑扈率場啄粟哀我填寡宜岸宜獄握粟出卜自何能穀

温温恭人如集于木惴惴小心如臨于谷戰戰兢兢如履薄冰

端之端反

小宛六章章六句

弁彼鸛斯歸飛提提民莫不穀我獨于罹何辜于天我罪伊何心之憂矣云如之何

弁薄干反提是移反鸛音豫

踣取眉道鞠為茂草我心憂傷惄焉如擣假寐未嘆維憂用老心之憂矣疾如疾首

踣徒歷反

維桑與梓必恭敬止靡瞻匪父靡依匪母不屬於毛不離于裏天之生我我辰安在

淮音上聲

死彼柳斯鳴蜩嘒嘒有漙者淵萑葦淠淠譬彼舟

流不知所屆心之憂矣不遑假寐

漙音九

鹿斯之奔維足伎伎雉之朝唯尚求其雌譬彼壞

木疾用無枝心之憂矣寧莫之知

伎其宜反

相彼投兔尚或先之行有死人尚或瑾之君子秉心維其忍之心之憂矣涕既隕之

君子信讒如或疇之君子不惠不舒究之伐木掎矣析薪地矣舍彼有罪予之佗矣

莫高匪山莫浚匪泉君子無易由言耳屬于垣無逝我梁無發我矜我躬不閱遑恤我後

小弁八章章八句

悠悠昊天曰父母且無罪無辜亂如此憮昊天已
威予慎無罪昊天泰無予慎無辜

亂之初生僭始既涵亂之又生君子信讒君子如
怒亂庶遄沮君子如祉亂庶遄已

君子屢盟亂是用長君子信盜亂是用暴盜言孔
甘亂是用飲匪其止共維王之功

奕奕寢廟君子作之秩秩大猷聖人莫之他人有
心予忖度之躍躍龜兔遇犬獲之

荏染柔木君子樹之往來行言心焉數之蛇蛇碩
言出自口矣巧言如簧顏之厚矣

躍他歷反
蛇以支反

彼何人斯居河之麋無拳無勇為亂階既微且
尪爾勇伊何為猶將多爾居徒幾何

巧言六章章八句

彼何人斯其心孔艱胡逝我梁不入我門伊誰云
從維暴之云

二人從行誰為此禍胡逝我梁不入唁我始者不
如今云不我可

彼何人斯胡逝我陳我聞其聲不見其身不愧于
人不畏于天

彼何人斯其為飄風胡不自北胡不自南胡逝我

梁祗攬我心

爾之安行亦不違舍爾之亟行違脂爾車壹者之來云何其盱

爾還而入我心易也還而不入否難知也壹者之

來俾我祗也

伯氏吹壎仲氏吹篪及爾如貫諒不我知出此三

物以詛爾斯

為鬼為蜮則不可得有覩面自視入罔極作此好

歌以極反側

覩土典反

何人斯八章章六句

萋兮斐兮成是貝錦彼譖人者亦已大甚

哆兮侈兮成是南箕彼譖人者誰適與謀

哆昌者反

緝緝翩翩謀欲譖人慎爾言也謂爾不信

捷捷幡幡謀欲譖言豈不爾受既其女遷

驕人好好勞人草草蒼天蒼天視彼驕人矜此勞

人

彼譖人者誰適與謀取彼譖人投畀豺虎豺虎不

食投畀有北有北不受投畀有昊

揚園之道猗于畝丘寺人孟子作為此詩凡百君

子敬而聽之

巷伯七章四章章四句一章五句一章八句一章六句

習習谷風維風及雨將恐將懼維予與女將安將

樂女轉棄予

習習谷風維風及頽將恐將懼寘予于懷將安將

樂棄予如遺

習習谷風維山崔嵬無草不死無木不萎忘我大

德思我小怨

谷風三章章六句

蓼蓼者莪匪莪伊蒿哀哀父母生我劬勞

蓼蓼者莪匪莪伊蔚哀哀父母生我勞瘁

餅之罄矣維罍之取鮮民之生不如死之久矣無

父何怙無母何恃出則銜恤入則靡至

父兮生我母兮鞠我拊我畜我長我育我顧我復

我出入腹我欲報之德昊天罔極

南山烈烈飄風發發民莫不穀我獨何害

南山律律飄風弗弗民莫不穀我獨不卒

蓼莪六章四章章四句二章章八句

有餘盭殮有捋棘七周道如砥其直如矢君子所

履小人所視瞻言顧之潛焉出涕

餘音蒙

殮音孫

小東大東杼柚其空糾糾葛屨可以履霜

子行彼周行既往既來使我心疚

有列沈泉無浸穫薪契契寤歎哀我憚人薪是穫

薪尚可載也哀我憚人亦可息也

東人之子職勞不來西人之子粲粲衣服舟人之

子能巖是褻私人之子百僚是試

或以其酒不以其漿鞞鞞佩璫不以其長維天有

漢監亦有光跣彼織女終日七襄

雖則七襄不成報章皖彼牽牛不以服箱東有啓

明西有長庚有捄天畢載施之行

我反

維南有箕不可以簸揚維北有斗不可以挹酒漿

維南有箕載之其舌維北有斗西柄之揭

大東七章章八句

四月維夏六月徂暑先祖匪人胡寧忍予

秋日凄凄百卉具腓亂離瘼矣爰其適歸

冬日烈烈飄風發發民莫不穀我獨何害

山有嘉卉侯栗侯梅廢為殘賊莫知其尤

相彼泉水載清載濁我日構禍曷云能穀

滔滔江漢南國之紀盡瘁以任寧莫我有

匪鶉匪鳧翰飛戾天匪鱣匪鮪潛逃于淵

鶉徒官反 鵬也

山有蕨薇隰有杞楨君子作歌維以告哀

四月八章章四句

北山之什二之六

陟彼北山言采其杞偕偕士子朝夕從事王事靡

盍憂我父母

溥夫之下莫非王土率土之濱莫非王臣大夫不

均我從事獨賢

四牡彭彭王事傍傍嘉我未老鮮我方將旅力方

剛經營四方

或燕燕居息或盭瘁事國或息偃在牀或不已于

行

或不知叫號或慘慘劬勞或栖遲偃仰或王事鞅

掌

或湛樂飲酒或慘慘畏咎或出入風議或靡事不

為

北山六章三章章六句三章章四句

無將大車祇自塵兮無思百憂祇自底兮

無將大車維塵冥冥無思百憂不出于煩

煩古
迫反

無將大車維塵雖兮無思百憂祇自重兮

無將大車三章章四句

明明上天照臨下土我征徂西至于允野二月初
吉載離寒暑心之憂矣其毒大甚念彼共人涕
零如雨豈不懷歸畏此罪罟

允音求

昔我往矣日月方除曷云其還歲事云莫念我獨
兮我事孔庶心之憂矣憚我不暇念彼共人瞻
瞻懷懷豈不懷歸畏此譴怒

昔我往矣日月方奧曷云其還政事愈感歲事云
莫采蕭穫救心之憂矣自詒伊戚念彼共人興
言出宿豈不懷歸畏此反覆

嗟爾君子無恒安處靖共爾位正直是與神之聽

之式穀以汝

嗟爾君子無恒安息靖共爾位好是正直神之聽
之介爾景福

小明五章二章章十二句二章章六句

鼓鐘將將淮水湯湯憂心且傷淑人君子懷允不
忘

湯書羊反

鼓鐘喑喑淮水潏潏憂心且悲淑人君子其德不
回

鼓鐘伐鼗淮有三洲憂心且妯淑人君子其德不
猶

暮音高

鼓鐘欽欽鼓瑟鼓琴笙磬同音以雅以南以籥不
備

鼓鐘四章章五句

楚楚者茨言抽其棘自昔何為我藝黍稷我黍與
與我稷翼翼我倉既盈我庾維億以為酒食以
饗以祀以妥以侑以介景福
濟濟跄跄絜爾牛羊以往烝嘗或剝或亨或肆或
將祝祭于祊祀事孔明先祖是皇神保是饗孝
孫有慶報以介福萬壽無疆
執爨踏踏為俎孔碩或燔或炙君婦莫莫為豆孔

庶為賓為客獻酬交錯禮儀卒度笑語卒獲神

保是格報以介福萬壽攸酢 饗七乱反 踏七亦反

我孔熯矣式禮莫愆工祝致告徂賚孝孫苾苾孝

祀神嗜飲食卜爾百福如幾如式既齊既稷既

匡既敕求錫爾極時萬時億

禮儀既備鐘鼓既戒孝孫徂位工祝致告神具醉

止臯尸載起鼓鐘送尸神保聿歸諸宰君婦廢

徹不遲諸父兄弟備言燕私 戒生口也

樂具入奏以綏後祿爾敬既將莫怨具慶既醉既

飽小大稽首神嗜飲食使君壽考孔惠孔時維

其盡之子子孫孫勿替引之

楚茨六章章十二句

信彼南山維禹甸之昉昉原隰曾孫田之我疆我

理南東其畝

昉音白

上天同雲雨雪雰雰益之以霡霂既優既渥既霑

既足生我百穀

霂霂音麥木

疆場翼翼黍稷彳亍曾孫之穡以為酒食界我尸

賓壽考萬年

彳亍音六反

場音亦

中田有廬疆場有瓜是剝是蒞獻之臯祖曾孫壽考受天之祜

祭以清酒從以騂牡享于祖考執其鸞刀以啓其

毛取其血膋

膋音聊

是烝是享苾苾芬芬祀事孔明先祖是臯報以介

福萬壽無疆

信南山六章章六句

倬彼甫田歲取十千我取其陳食我農人自古有

年今適南畝或耘或耔黍稷薿薿攸介攸止烝

我髦士

疑與起反

以我齊明與我犧羊以社以方我田既臧農夫之

慶琴瑟擊鼓以御田祖以祈甘雨以介我稷黍

以執我士女

六月音吝與樂通

曾孫來止以其婦子饁彼南畝田畯至喜攘其左
右嘗其旨否禾易長畝終善且有曾孫不怒農
夫克敏

曾孫之稼如茨如梁曾孫之庾如坻如京乃求千
斯倉乃求萬斯箱黍稷稻粱農夫之慶報以介
福萬壽無疆

甫田四章章十句

大田多稼既種既戒既備乃事以我覃耜俶載南
畝播厥百穀既庭且碩曾孫是若

既方既皂既堅既好不稂不莠去其螟螣及其蟊

賊無害我田穉田祖有神秉畀炎火

曠音詩

有滄萋萋興雨祁祁雨我公由遂及我私彼有不
穫穉此有不斂穧彼有遺秉此有滯穗伊寡婦

之利

滄於檢反

曾孫來止以其婦子饁彼南畝田畯至喜來方禋
祀以其騂黑與其黍稷以享以祀以介景福

大田四章二章章八句二章章九句
瞻彼洛矣維水泱泱君子至止福祿如茨韎韜韜有

夷以作六師

泱於良反
韎音昧

瞻彼洛矣維水泱泱君子至止韉琫有珌君子萬年保其家室

韉音丙 珌音一反

瞻彼洛矣維水泱泱君子至止福祿既同君子萬年保其家邦

瞻彼洛矣三章章六句

裳裳者華其葉湑兮我觀之子我心寫兮我心寫

兮是以有譽處兮

湑思召反

裳裳者華其黃矣我觀之子維其有章矣維其有章矣是以有慶矣

裳裳者華或黃或白我觀之子乘其四駱乘其四

駱六轡沃若

左之左之君子宜之右之右之君子有之維其有之是以似之

裳裳者華四章章六句

交交桑扈之什二之七

交交桑扈有鶯其羽君子樂得受天之祜

交交桑扈有鶯其領君子樂胥萬邦之屏

之屏之翰百辟為憲不戢不難受福不那

兕觥其觶旨酒思柔彼交匪敖萬福來求

交交桑扈四章章四句

言 鴛鴦于飛畢之羅之君子萬年福祿宜之
鴛鴦在梁戢其左翼君子萬年宜其遐福
乘馬在廐摧之株之君子萬年福祿艾之
乘馬在廐株之摧之君子萬年福祿綏之

交 鴛鴦四章章四句

有頍者弁實維伊何爾酒既旨爾殽既嘉豈伊異
人兄弟匪他蔦與女蘿施于松柏未見君子憂
心奕奕既見君子庶幾說懌
有頍者弁實維何期爾酒既旨爾殽既時豈伊異
人兄弟具來蔦與女蘿施于松上未見君子憂

頍若委反

蔦音鳥

心怲怲既見君子庶幾有臧

有頍者弁實維在首爾酒既旨爾殽既阜豈伊異
人兄弟甥舅如彼雨雪先集維霰死喪無日無
幾相見樂酒今夕君子維宴

頍弁三章章十二句

間闕車之牽兮思變季女逝兮匪飢匪渴德音來
括雖無好友式燕且喜

牽胡曼反

譽好爾無射

雖無旨酒式飲庶幾雖無嘉殽式食庶幾雖無德

與女式歌且舞

陟彼高岡析其柞薪析其柞薪其葉湑兮鮮我觀爾我心寫兮

高山仰止景行行止四牡騤騤六轡如琴觀爾新昏以慰我心

車牽五章章六句

營營青蠅止于樊豈弟君子無信讒言
營營青蠅止于棘讒人罔極交亂四國
營營青蠅止于榛讒人罔極構我二人

青蠅三章章四句

賓之初筵左右秩秩籩豆有楚殽核維旅酒既和旨飲酒孔偕鐘鼓既設舉醕逸逸大侯既抗弓矢斯張射夫既同獻爾發功發彼有的以祈爾爵

醕市由反

籥舞笙鼓樂既和奏烝烝烈祖以洽百禮百禮既至有壬有林錫爾純嘏子孫其湛其湛曰樂各奏爾能賓載手仇室人入又酌彼康爵以奏爾

賓時

反音版

賓之初筵溫溫其恭其未醉止威儀反反曰既醉止威儀幡幡舍其坐遷屢舞僊僊其未醉止威

儀抑抑曰既醉止威儀怵怵是曰既醉不知其秩怵怵必反

賓既醉止載號載嘷亂我邊豆屢舞僛僛是曰既醉不知其郵側弁之俄屢舞僛僛既醉而出並受其福醉而不出是謂伐德飲酒孔嘉維其令儀僛起其反 僛素多反

凡此飲酒或醉或否既立之監或佐之史彼醉不減不醉反恥式勿從謂無俾大怠匪言勿言匪由勿語由醉之言俾出童羖三爵不識矧敢多

賓之初筵五章章十四句

魚在在藻有頌其首王在在鎬豈樂飲酒魚在在藻有莘其尾王在在鎬飲酒樂豈魚在在藻依于其蒲王在在鎬有那其居

魚藻三章章四句

采芣采芣筐之筥之君子來朝何錫予之雖無予之路車乘馬又何予之玄衮及黼感沸檻泉言采其芹君子來朝言觀其旂其旂淠淠鸞聲嘒嘒載駟載駟君子所屆淠四聲反赤芾在股邪幅在下彼交匪紆天子所予樂只君

天子命之樂只君子福祿申之

維柞之枝其葉蓬蓬樂只君子殿天子之邦樂只

君子萬福攸同平平左右亦是率從平聲延反

汎汎揚舟弗纒維之樂只君子天子葵之樂只君

子福祿膍之優哉游哉亦是戾矣汎芳劍反

采菽五章章八句

駢駢角弓翩其反矣兄弟昏姻無胥遠矣

爾之遠矣民胥然矣爾之教矣民胥倣矣

此令兄弟綽綽有裕不令兄弟交相為瘡

民之無良相怨一方受爵不讓至于已斯亡

老馬反為駒不顧其後如食宜飪如酌孔取

毋教猥升木如塗塗附君子有徽猷小人與屬

雨雪漉漉見晁曰消莫肯下遺式居婁驕

雨雪浮浮見晁曰流如蠻如髦我是用憂

角弓八章章四句

有苑者柳不尚息焉上帝甚蹈無自暱焉俾予靖

之後予極焉

有苑者柳不尚憫焉上帝甚蹈無自察焉俾予靖

之後予邁焉

有鳥高飛亦傳于天彼人之心于何其臻曷予靖

之居以凶矜

苑柳三章章六句

都人士之什二之八

彼都人士狐裘黃黃其容不改出言有章行歸于

周萬民所望

彼都人士臺笠緇撮彼君子女綢直如髮我不見

兮我心不說

彼都人士充耳琇實彼君子女謂之尹吉我不見

兮我心苑結

彼都人士垂帶而厲彼君子女卷髮如蠶我不見

兮言從之邁

厲音例

匪伊垂之帶則有餘匪伊卷之髮則有旃我不見

兮云何盱矣

都人士五章章六句

終朝采綠不盈一掬予髮曲局薄言歸沐

終朝采藍不盈一襜五日為期六日不詹

詹尺占反

之子于狩言韋其弓之子于釣言綸之繩

其鉞維何維魴及鱣維魴及鱣薄言觀者

采綠四章章四句

芄芄黍苗陰雨膏之悠悠南行召伯勞之

芄音蓬

我任我輦我車我牛我行既集蓋云歸哉
我徒我御我師我旅我行既集蓋云歸處
肅肅謝功召伯管之烈烈征師召伯成之
原隰既平泉流既清召伯有成王心則寧

則一作載

黍苗五章章四句

隰桑有阿其葉有難既見君子其樂如何
隰桑有阿其葉有沃既見君子云何不樂
隰桑有阿其葉有幽既見君子德音孔膠
心乎愛矣遐不謂矣中心藏之何日忘之

難乃多反

隰桑四章章四句

白華菅兮白茅束兮之子之遠俾我獨兮
英英白雲露彼菅茅天步艱難之子不猶
漉池北流浸彼稻田嘯歌傷懷念彼碩人
樵彼桑薪印烘于熤維彼碩人實勞我心
鼓鐘于宮聲聞于外念子懔懔視我邁邁
有鷺在梁有鶴在林維彼碩人實勞我心
鴛鴦在梁戢其左翼之子無良二三其德
有扁斯石履之卑兮之子之遠俾我疢兮

白華八章章四句

緜蠻黃鳥止于丘阿道之云遠我勞如何飲之食

之教之誨之命彼後車謂之載之
縣蠻黃鳥止于丘隅豈敢憚行畏不能趨飲之食
之教之誨之命彼後車謂之載之
縣蠻黃鳥止于丘側豈敢憚行畏不能極飲之食
之教之誨之命彼後車謂之載之

縣蠻三章章八句

幡幡瓠葉采之亨之君子有酒酌言嘗之
有兔斯首炮之燔之君子有酒酌言獻之
有兔斯首燔之炙之君子有酒酌言酢之
有兔斯首燔之炮之君子有酒酌言醕之

瓠葉四章章四句

漸漸之石維其高矣山川悠遠維其勞矣武人東
征不遑朝矣 漸士銜反

漸漸之石維其卒矣山川悠遠曷其沒矣武人東
征不遑出矣 卒音尊入聲

有芣白躡烝涉波矣月離于畢俾滂沱矣武人東
征不遑他矣

漸漸之石三章章六句
芣之華其黃矣心之憂矣維其傷矣

芣之華其葉青青知我如此不如無生

群羊羶首三星在留人可以食鮮可以飽
群羊

苜蓿之華三章章四句

何草不黃何日不行何人不將經營四方

何草不玄何以不矜哀我征夫獨為匪民

匪兕匪虎率彼曠野哀我征夫朝夕不暇左人東

有芄者狐率彼幽草有棧之車行彼周道

何草不黃四章章四句

博士商又

大雅三

文王之什三之一

大雅三

文王之什三之一

文王在上於昭于天周雖舊邦其命維新有周不

顯帝命不時文王陟降在帝左右

疊疊文王令聞不已陳錫哉周侯文王孫子文王

孫子本支百世凡周之士不顯亦世

世之不顯厥猶翼翼思皇多士生此王國王國克

生維周之楨濟濟多士文王以寧

穆穆文王於緝熙敬止假哉天命有商孫子商之

孫子其麗不億上帝既命侯于周服

侯服于周天命靡常殷士膚敏裸將于京厥作裸
 將常服黼冔王之蓋臣無念爾祖
 無念爾祖聿修厥德求言配命自求多福殷之未
 喪師克配上帝宜鑒于殷駿命不易
 命之不易無暵爾躬宣昭義問有虞殷自天上天
 之載無聲無臭儀刑文王萬邦作孚

文王七章章八句

明明在下赫赫在上天難忱斯不易維王天位殷
 適使不挾四方

摯仲氏任自彼殷商來嫁于周曰嬪于京乃及王

季維德之行大任有身生此文王

維此文王小心翼翼昭事上帝聿懷多福厥德不
 回以受方國

天監在下有命既集文王初載天作之合在洽之
 陽在渭之涘文王嘉止大邦有子

大邦有子倪天之妹文定厥祥親迎于渭造舟為
 梁不顯其光

有命自天此文王于周于京續女維莘長子維
 行篤生武王保右命爾燮伐大商

殷商之旅其會如林矢于牧野維予侯興上帝臨

女無貳爾心

牧野洋洋檀車煌煌駟騶彭彭維師尚父時維鷹揚涼彼武王肆伐大商會朝清明

大明八章四章章六句四章章八句

絲絲瓜瓞民之初生自土沮漆古公亶父陶復陶

穴未有家室

古公亶父來朝走馬率西水滸至于岐下爰及姜

女聿來齊宇

周原膺膺董荼如飴爰始爰謀爰契我龜曰止曰

時築室于茲

膺音武

迺對迺止迺左迺右迺疆迺理迺宣迺啟自西徂

陳周爰執事

乃召司空乃召司徒俾立室家其繩則直縮版以

載作廟翼翼

栭之閔閔度之薨薨築之登登削屨馮馮百堵皆

興馨鼓弗勝

閔耳并反

迺立臯門臯門有伉迺立應門應門將將迺立冢

土戎醜攸行

肆不殄厥愠亦不隕厥問柞械拔矣行道兌矣混

夷駮矣維其喙矣

駮突也

虞芮質厥成文王蹶厥生予曰有疏附予曰有先
後予曰有奔奏予曰有禦侮

絲九章章六句

芄芄棫樸薪之烈之濟濟辟王左右趣之
濟濟辟王左右奉璋奉璋我戩戩士攸宜
淠彼涇舟丞徒楫之周王于邁六師及之
倬彼雲漢為章于天周王壽考遐不作人
追琢其章金玉其相勉勉我王綱紀四方

棫樸五章章四句

瞻彼旱麓榛楛濟濟豈弟君子于祿豈弟
棫音戶

瑟彼玉瓚黃流在中豈弟君子福祿攸降
鸞飛戾天魚躍于淵豈弟君子遐不作人
清酒既載騂牡既備以享以祀以介景福
瑟彼柞棫民所燎矣豈弟君子神所勞矣
莫莫葛藟施于條枚豈弟君子求福不回

旱麓六章章四句

思齊太任文王之母思媚周姜京室之婦太姒嗣
徽音則百斯男
惠于宗公神罔時怨神罔時恫刑于寡妻至于兄
弟以御于家邦

雖雖在宮肅肅在廟不顯亦臨無射亦保

肆戎疾不殄烈假不瑕不聞亦式不諫亦入

肆成人有德小子有造古之人無斁譽髦斯士

思齊五章二章章六句三章章四句

皇矣上帝臨下有赫監觀四方求民之莫維此二

國其政不獲維彼四國爰究爰度上帝耆之憎

其式廓乃眷西顧此維與宅

桐音例

作之屏之其當其翳修之平之其灌其榭啓之辟

之其檉其楛攘之剔之其檠其柘帝遷明德串

夷載路天立厥配受命既固

檉凡成反音補楛卷居反
檠鳥劍反 柘章夜反

串古
玩反

帝省其山柞棫斯拔松柏斯兌帝作邦作對自大

伯王季維此王季因心則友則友其兄則篤其

慶載錫之光受祿無喪奄有四方

維此王季帝度其心貊其德音其德克明克明克

類克長克君王此大邦克順克比比于文王其

德靡悔既受帝祉施于孫子

帝謂文王無然畔援無然歆羨誕先登于岸密人

不恭敬距大邦侵阮徂共王赫斯怒爰整其旅

以按徂旅以篤于周祜以對于天下

依其在京侵自阮疆陟我高岡無矢我陵我陵我

阿無飲我泉我泉我池度其鮮原居岐之陽在
渭之將萬邦之方下民之王

帝謂文王予懷明德不大聲以色不長夏以革不

識不知順帝之則帝謂文王詢爾仇方同爾兄

弟以爾鉤援與爾臨衝以伐崇墉

臨衝閑閑崇墉言言執訊連連攸馘安安是類是

禡是致是附四方以無侮臨衝鼎鼎崇墉仇仇

是伐是肆是絕是忽四方以無拂

皇矣八章章十二句

經始靈臺經之營之庶民攻之不日成之經始勿

王亟庶民子來

王在靈囿麀鹿攸伏麀鹿濯濯白鳥翯翯王在靈

沼於羽魚躍

習戶角反

虞業維樅賁鼓維鏞於論鼓鐘於樂辟廡

樅七凶反

論倫同

於論鼓鐘於樂辟廡鼉鼓逢逢矇瞍奏公

貫符分反

靈臺四章二章章六句二章章四句

下當作文字讀

下武維周世有哲王三后在天王配于京

王配于京世德作求求言配命成王之孚

成王之孚下土之式永言孝思孝思維則

媚茲一人應侯順德永言孝思昭哉嗣服

詩經

卷

四十三

昭茲來許繩其祖武於萬斯年受天之祜
受天之祜四方來賀於萬斯年不遐有佐

下武六章章四句

文王有聲通駿有聲通求厥寧通觀厥成文王丞
哉

文王受命有此武功既伐于崇作邑于豐文王丞
哉

築城伊滅作豐伊匹匪棘其欲通追來孝王后丞
哉

王公伊濯維豐之垣四方攸同王后維翰王后丞
哉

豐水東注維禹之績四方攸同皇王維辟皇王丞
哉

鎬京辟廡自西自東自南自此無思不服皇王丞
哉

考卜維王宅是鎬京維龜正之武王成之武王丞
哉

豐水有芭武王豈不在詒厥孫謀以燕翼子武王丞
哉

文王有聲八章章五句

生民之什三之二

厥初生民時維姜嫄生民如何克禋克祀以弗無
子履帝武敏歆攸介攸止載震載夙載生載育
時維后稷

誕彌厥月先生如達不圻不副無蓄無害以赫厥
靈上帝不寧不康禋祀居然生子

誕寘之隘巷牛羊腓字之誕寘之平林會伐平林
誕寘之寒冰鳥覆翼之鳥乃去矣后稷呱矣實

覃實訶厥聲載路四六之同皇王維報皇王
誕實甫匭克岐克嶷以就口食斲之荏菹荏菹旆

旆禾役稷稷麻麥蒙蒙瓜瓞嗶嗶

嶷魚極反 蒙莫孔反

誕后稷之穉有相之道弗厥豐草種之黃茂實方
實苞實種實裒實發實秀實堅實好實穎實栗

即有邰家室

誕降嘉種維秬維秠維糜維芑恒之秬秠是穫是
畋恒之糜芑是任是負以歸肇祀

糜音門

誕我祀如何或春或榆或籛或蹂釋之叟叟烝之
浮浮載謀載惟取蕭祭脂取羝以較載燔載烈

以興嗣歲

叟所留反

卬盛于豆于豆于登其香始升上帝居歆胡臭亶

醉才
落反
醴他
感反

時后稷肇祀庶無罪悔以迄于今

生民八章四章章十句四章章八句

敦彼行葦牛羊勿踐履方苞方體維葉泥泥戚戚

兄弟莫遠具爾或肆之筵或授之几敦徒端反

肆筵設席授几有緝御或獻或酢洗爵奠斝醢醢

以薦或燔或炙嘉穀脾臄或歌或嘏羊古雅反

敦弓既堅四鍤既鈞舍矢既均序賓以賢敦弓既

向既挾四鍤四鍤如樹序賓以不侮

曾孫維主酒醴維醕酌以太鬯以祝黃耇黃耇台

背以引以翼壽考維祺以介景福

行葦四章章八句

既醉以酒既飽以德君子萬年介爾景福

既醉以酒爾殽既將君子萬年介爾昭明

昭明有融高朗令終令終有淑公尸嘉告

其告維何邊豆靜嘉朋友攸攝攝以威儀

威儀孔時君子有孝子孝子不匱永錫爾類

其類維何室家之壺君子萬年永錫祚胤壺苦本反

其胤維何天被爾祿君子萬年景命有僕僕附也

其僕維何釐爾女士釐爾女士從以孫子

既醉八章章四句

詩經卷之六

四十六

鳧鷖在涇八兮來燕來寧爾酒既清爾殽既馨公

尸燕飲福祿來成

鷖於鷄反

鳧鷖在沙八兮來燕來宜爾酒既多爾殽既嘉公

尸燕飲福祿來為

鳧鷖在渚八兮來燕來處爾酒既滑爾殽伊脯公

尸燕飲福祿來下

鳧鷖在梁八兮來燕來宗既燕于宗福祿攸降公

尸燕飲福祿來崇

梁左公反

鳧鷖在壘八兮來止熏熏旨酒欣欣燔炙芬芬公

尸燕飲無有後艱

壘音門

鳧鷖五章章六句

假樂君子顯顯令德宜民宜人受祿于天保右命

之自天申之

于祿百福子孫千億穆穆皇皇宜君宜王不愆不

忘率由舊章

威儀抑抑德音秩秩無怨無惡率由羣匹受福無

疆四方之綱

之綱之紀燕及朋友百辟卿士媚于天子不解于

位民之攸暨

假樂四章章六句

篤公劉匪居匪康迺場迺廼疆迺積迺倉迺裹餼糧
于橐于囊思輯用光弓矢斯張于戈戚揚爰方
啓行場音易

篤公劉于胥斯原既庶既繁既順迺宣而無求嘆
陟則在嶽復降在原何以舟之維玉及瑤鞞琫
容刀

篤公劉逝彼百泉瞻彼溥原迺陟南岡乃覲于京
京師之野于時處處于時廬放于時言言于時
語語

篤公劉于京斯依蹌蹌濟濟俾筵俾几既登乃依

乃造其曹執豕于牢酌之用匏食之飲之君之
宗之

篤公劉既溥既長既景迺岡相其陰陽觀其流泉
其軍三單度其隰原徹田為糧度其夕陽幽居
允荒單音丹

篤公劉于豳斯館涉渭為亂取厲取鍛止基迺理
爰衆爰有夾其皇澗遡其過澗止旅迺密芮鞠
之卽鍛丁乱反

公劉六章章十句
河酌彼行潦挹彼注兹可以餼饁豈弟君子民之

父母

洞酌彼行潦挹彼注茲可以濯鬢豈弟君子民之攸歸

洞酌彼行潦挹彼注茲可以濯漑豈弟君子民之攸暨

洞酌二章章五句

有卷者阿飄風自南豈弟君子來游來歌以矢其音

伴奭爾游矣優游爾休矣豈弟君子俾爾彌爾性似先公曾矣

爾士宇旼章亦孔之厚矣豈弟君子俾爾彌爾性

百神爾主矣

爾受命長矣弗祿爾康矣豈弟君子俾爾彌爾性

純嘏爾常矣

弗音弗

有馮有翼有孝有德以引以翼豈弟君子四方為

則

顯顯印印如圭如璋令聞令望豈弟君子四方為

綱

鳳凰于飛翾翾其羽亦集爰止藹藹王多吉士維

君子使媚于天子

鳳凰于飛翺翺其羽亦傳于天藹藹王多吉人維
君子命媚于庶人

鳳凰鳴矣于彼高岡梧桐生矣于彼朝陽萋萋
萋離離嗃嗃

君子之車既庶且多君子之馬既閑且馳矢詩不
多維以遂歌

卷阿十章六章章五句四章章六句

民亦勞止汔可小康惠此中國以綏四方無縱詭
隨以謹無良式遏寇虐憚不畏明柔遠能邇以
定我王

憚魯也

民亦勞止汔可小休惠此中國以為民速無縱詭
隨以謹憚倣式遏寇虐無俾民憂無棄爾勞以
為王休

民亦勞止汔可小息惠此京師以綏四國無縱詭
隨以謹罔極式遏寇虐無俾作慝敬慎威儀以
近有德

民亦勞止汔可小憊惠此中國俾民憂泄無縱詭
隨以謹醜厲式遏寇虐無俾正敗戎雖小子而
式弘大

民亦勞止汔可小安惠此中國國無有殘無縱詭

隨以謹繾綣式遏寇虐無俾正反王欲玉女是用大諫

民勞五章章十句

上帝板板下民卒瘁出話不然為猶不遠靡聖管
管不實於亶猶之未遠是用大諫
天之方難無然憲憲天之方蹶無然泄泄辭之輯
矣民之洽矣辭之懌矣民之莫矣
我雖異事及爾同僚我即爾謀聽我訶訶我言維
服勿以為笑先民有言詢于芻蕘
天之方虐無然謔謔老夫灌灌小子躑躑匪我言

耄爾用憂謔多將熇熇不可救藥

熇音和

天之方濟無為夸毗威儀卒迷善人載尸民之方
殿屎則莫我敢葵喪亂蔑資曾莫惠我師
天之牖民如堦如篴如璋如圭如取如攜攜無曰
益牖民孔易民之多辟無自立辟
小人維藩大師維垣大邦維屏大宗維翰懷德維
寧宗子維城無俾城壞無獨斯畏
敬天之怒無敢戲豫敬天之渝無敢馳驅昊天曰
明及爾出王昊天曰且及爾游衍

攜得也

板八章章八句

蕩之什三之三

蕩蕩上帝下民之辟疾威上帝其命多辟天生烝民其命匪謏靡不有初鮮克有終

文王曰咨咨女殷商會是疆禦會是陪克會是在位曾是在服天降陷德女與是力

文王曰咨咨女殷商而秉義類疆禦多對流言以對寇攘式內侯伯侯祝靡屆靡究

文王曰咨咨女殷商女魚休于中國斂怨以為德不明爾德時無背無側爾德不明以無陪無卿

文王曰咨咨女殷商天不洎爾以酒不義從式既

魚交白 休反 交火 陪反 交蒲 回反

愆爾止靡明靡晦式號式呼俾晝作夜

文王曰咨咨女殷商如蜩如蟴如沸如羹小大近喪人尚乎由行內異于中國覃及鬼方

文王曰咨咨女殷商匪上帝不時殷不用舊雖無老成人尚有典刑曾莫聽太命以傾

文王曰咨咨女殷商人亦有言顛沛之揭枝葉未有害本實先撥殷鑒不遠在夏后之世

蕩八章章八句

抑抑威儀維德之隅人亦有言靡哲不愚庶人之愚亦職維疾哲人之愚亦維斯戾

卷之九
卷之九

無競維人四方其訓之有覺德行四國順之訏謨
定命遠猶辰告敬慎威儀維民之則
其在于今興迷亂于政顛覆厥德荒湛于酒女雖
湛樂從弗念厥紹罔敷求先王克共明刑
肆皇天弗尚如彼流泉無淪胥以亡夙興夜寐酒
掃廷內維民之章修爾車馬弓矢戎兵用戒戎
作用邊蠻方
質爾人民謹爾侯度用戒不虞慎爾出話敬爾威
儀無不柔嘉白圭之玷尚可磨也斯言之玷不
可為也

無易由言無曰苟矣莫捫朕舌言不可逝矣無言
不讎無德不報惠于朋友庶民小子子孫繩繩
萬民靡不承
視爾友君子輯柔爾顏不遐有愆相在爾室尚不
愧于屋漏無曰不顯莫予云觀神之格思不可
度思矧可射思
辟爾為德俾臧俾嘉淑慎爾止不愆于儀不僭不
賊鮮不為則投我以桃報之以李彼童而角實
虹小子
荏染柔木言緝之絲溫溫恭人維德之基其維哲

詩經

卷之九

人告之話言順德之行其維愚人覆謂我僭民
各有心

於乎小子未知臧否匪手攜之言示之事匪面命
之言提其耳借曰未知亦既抱子民之靡盬誰
夙知而莫成

昊天孔昭我生靡樂視爾夢夢我心慘慘誨爾諄
諄聽我藐藐匪用為教覆用為虐借曰未知亦
聿既耄

於乎小子告爾舊止聽用我謀庶無大悔天方艱
難曰喪厥國取譬不遠昊天不忒回遘其德俾

「聽用我謀一本作聽我用謀」

民大棘

抑十二章三章章八句九章章十句

芟彼桑柔其下侯甸捋采其劉瘼此下民不殄心
憂倉兄填兮倬彼昊天寧不我矜

兄虛故反與悅同

四牡騤騤旗旐有翩亂生不夷靡國不泯民靡有
黎具禍以燼於乎有哀國步斯頻

國步蔑資天不我將靡所止疑云徂何往君子實
維秉心無競誰生厲階至今為梗

憂心殷殷念我土宇我生不辰逢天俾怒自西徂
東靡所定處多我覲瘠孔棘我圉

為謀為姦亂況斯削告爾憂恤誨爾序爵誰能執
熱逝不以濯其何能淑載胥及溺

如彼遼風亦孔之僂民有肅心莽云不逮好是稼
穡力民代食稼穡維寶代食維好

天降喪亂滅我立王降此蝨賊稼穡卒痒哀恫中
國具贅卒荒靡有旅力以念穹蒼

贅屬也

維此惠君民人所瞻秉心宣猶考慎其相維彼不
順自獨俾臧自有肺腸俾民卒狂

瞻彼中林牲牲其鹿朋友已譖不齊以穀人亦有
言進退維谷

牲所巾反

維此聖人瞻言百里維彼愚人覆狂以喜匪言不

能胡斯畏忌

維此良人弗求弗迪維彼忍心是顧是復民之貪

亂寧為荼毒

大風有隧有空大谷維此良人作為式穀維彼不

順征以中坳

大風有隧貪人敗類聽言則對誦言如醉匪用其

良覆俾我悖

嗟爾朋友予豈不知而作如彼飛蟲時亦弋獲既
之陰女反予來赫

民之罔極職涼善背為民不利如云不克民之回
適職競用力

民之未戾職盜為寇涼日不可覆背善言雖曰匪
予既作爾歌

桑柔十六章八章章八句八章章六句

倬彼雲漢昭回于天王曰於乎何辜今之人天降

喪亂饑饉薦臻靡神不舉靡愛斯牲圭璧既卒

寧莫我聽

旱既大甚蘊隆蟲蟲不殄禋祀自郊徂宮上下奠
瘞靡神不宗后稷不克上帝不臨耗斁下土寧

瘞於

丁我躬

旱既大甚則不可推兢兢業業如霆如雷周餘黎

民靡有子遺昊天上帝則不我遺胡不相畏先

祖于摧

旱既大甚則不可沮赫赫炎炎云我無所太命近

止靡瞻靡顧羣公先正則不我助父母先祖胡

寧忍予

旱既大甚滌滌山川旱魃為虐如暎如焚我心憚

暑憂心如熏羣公先正則不我聞昊天上帝寧

俾我遐

早既大甚，黽勉畏去。胡寧瘕我，以早憯不知其故。
祈年孔夙，方社不莫。昊天上帝，則不我虞。敬恭
明神，宜無悔怒。憯，曾也。

早既大甚，散無友紀。鞠哉庶正，疚哉冢宰。趣馬師
氏，膳夫左右靡人。不周無不能止，瞻卬昊天云
如何里。

瞻卬昊天，有嘒其星。大夫君子，昭假無贏。大命近
止，無棄爾成。何求為我，以戾庶正。瞻卬昊天，曷
惠其寧。

雲漢八章章十句

崧高維嶽，駿極于天。維嶽降神，生甫及申。維申及

甫，維周之翰。四國于蕃，四方于宣。

亶亶申伯，王績之事。于邑于謝，南國是式。王命召

伯，定申伯之宅。登是南邦，世執其功。

王命申伯，式是南邦。因是謝人，以作爾庸。王命召

伯，徹申伯土田。王命傅御，遷其私人。庸，城也。

申伯之功，召伯是營。有俶其城，寢廟既成。既成藐

藐，王錫申伯四牡。躋躋鈞膺，濯濯

王遣申伯，路車乘馬。我圖爾居，莫如南土。錫爾介

圭，以作爾寶。往近王舅，南土是保。

近，鄭音記。按記文從是從，可今從斤誤。

申伯信邁王餞于郇申伯還南謝于誠歸王命召
王伯徹申伯土疆以峙其糗式造其行

申伯番番既入于謝徒御嘽嘽周邦咸喜戎有良

翰不顯申伯王之元舅文武是憲

番音波
嘽音吐丹反

申伯之德柔惠且直採此萬邦聞于四國吉甫作
誦其詩孔碩其風肆好以贈申伯

崧高八章章八句

天生烝民有物有則民之秉彝好是懿德天監有

周昭假于下保茲天子生仲山甫

仲山甫之德柔嘉維則令儀令色小心翼翼古訓

是式威儀是力天子是若明命使賦

王命仲山甫式是百辟績戎祖考王躬是保出納

四王命王之喉舌賦政于外四方爰發

肅肅王命仲山甫將之邦國若否仲山甫明之既

明且哲以保其身夙夜匪解以事一人

人亦有言柔則茹之剛則吐之維仲山甫柔亦不

茹剛亦不吐不侮矜寡不畏彊禦

人亦有言德輶如毛民鮮克舉之我儀圖之維仲

山甫舉之愛莫助之衮職有闕維仲山甫補之

仲山甫出祖四牡業業征夫捷捷每懷靡及四牡

接現在反

彭彭八鸞鏘鏘王命仲山甫城彼東方

四牡駉駉八鸞喈喈仲山甫徂齊式遄其歸吉甫

作誦穆如清風仲山甫永懷以慰其心

烝民八章章八句

奕奕梁山維禹甸之有倬其道韓侯受命王親命

之績戎祖考無廢朕命夙夜匪解虔共爾位朕

命不易幹不庭方以佐戎辟

四牡奕奕孔修且張韓侯入覲以其介圭入覲于

王王錫韓侯淑旂綬章簟第錯衡玄衮赤舄鈎

膺鏤錫鞞鞞淺懣脩革金厄

錫音羊懣莫歷反脩音條

韓侯出祖出宿于屠顯父餞之清酒百壺其殽維

何魚鼈鮮魚其藪維何維筍及蕒其贈維何乘

馬路車邊豆有日侯氏燕胥

藪音速

韓侯取妻汾王之甥蹶父之子韓侯迎止于蹶之

里百兩彭彭八鸞鏘鏘不顯其光諸娣從之祔

祔如雲韓侯顧之爛其盈門

蹶俱衛反

蹶父孔武靡國不到為韓姑相攸莫如韓樂孔樂

韓土川澤訂訂魴鱖甫甫鹿嘯嘯有能有罷

有貓有虎慶既令居韓姑燕譽

訂况甫反嘯愚甫反貓音苗

溥彼韓城燕師所完以先祖受命因時百蠻王錫

韓侯其追其獬奔受北國因以其伯實痛實壑
實畝實籍獻其貔皮赤豹黃羆

追都回反獬母伯反
貔音毗

韓奕六章章十二句

江漢浮浮武夫滔滔匪安匪遊淮夷來求既出我
車既設我旗匪安匪舒淮夷來鋪

江漢湯湯武夫泚泚經營四方告成于王四方既

平王國庶定時靡有爭王心載寧

湯書羊反

江漢之滸王命召虎式辟四方徹我疆土匪疚匪
棘王國來極于疆于理至于南海

王命召虎來旬來宣文武受命召公維翰無日予

小子召公是似肇敏戎公用錫爾祉

似嗣也

釐爾圭瓚秬鬯一卣告于文人錫山土田周受

命自召祖命虎拜稽首天子萬年

占音西

虎拜稽首對揚王休作召公考天子萬壽明明天

子令聞不已矢其文德洽此四國

江漢六章章八句

赫赫明明王命卿士南仲大祖大師皇父整我六

師以修我戎既敬既戒惠此南國

王謂尹氏命程伯休父左右陳行戒我師旅率彼

淮浦省此徐土不留不處三事就緒

赫赫業業有嚴天子王舒侏作匪紹匪遊徐方釋

騷震驚徐方如雷如霆徐方震驚

王奮厥武如震如怒進厥虎臣闕如虢虎鋪敦淮

潰仍執醜虜截彼淮浦王師之所

闕呼檻反 虢火交反仍就也

王旅嘽嘽如飛如翰如江如漢如山之苞如川之

流緜緜翼翼不測不克濯征徐國

王猶允塞徐方既來徐方既同天子之功四方既

平徐方來庭徐方不回王曰還歸

常武六章章八句

瞻卬昊天則不我惠孔填不寧降此太厲邦靡有

天定士民其瘵蟲賊蟲疾靡有夷屆罪罟不收靡有夷疢

人有土田女反有之人有民人女覆奪之此宜無

罪女反收之彼宜有罪女覆說之

折且夫成城哲婦傾城懿厥哲婦為梟為鴟婦有長

舌維厲之階亂匪降自天生自婦人匪教匪誨

時維婦寺

鞠人忮成譖始竟皆豈曰不極伊胡為惡如賈三

天倍君子是識婦無公事休其蠶織

天何以刺何神不富舍爾介狄維予晉忌不弔不

言經正文
祥威儀不類人之云亡邦國殄瘁

殄徒典反

天之降罔維其優矣人之云亡心之憂矣天之降罔維其幾矣人之云亡心之悲矣

感沸檻泉維其深矣心之憂矣寧自今矣不自我先不自我後藐藐昊天無不克鞏無忝皇祖式救爾後

瞻卬七章三章章十句四章章八句

昊天疾威天篤降喪殞我饑饉民卒流亡我居圉卒荒

天降罪罟蟲賊內訌昏椽靡共浩潰回通實靖東

我邦

椽丁角反

皐皐訛訛會不知其玷兢兢業業孔頤不寧我位

孔貶

如彼歲旱草不潰茂如彼棲苴我相此邦無不潰

止

直七如反

維昔之不出不如時維今之疚不如茲彼䟽斯禪胡

不自替職

糶薄賣反

池之竭矣不云自頽泉之竭矣不云自中溥斯害矣職兄斯弘不救我躬

昔先王受命有如召公曰辟國百里今也日蹙國百里

詩經正文

下

卷之六

言維正文
昔百里於乎哀哉維今之人不尚有舊
召昊七章四章章五句三章章七句

頌四

周頌清廟之什四之一

於穆清廟肅雝顯相濟濟多士秉文之德對越在天駿奔走在廟不顯不承無射於人斯

清廟一章八句

維天之命於穆不已於乎不顯文王之德之純假以溢我我其收之駿惠我文王曾孫篤之維天之命一章八句

維清緝熙文王之典肇禋迄用有成維周之禎

維清一章五句

烈文辟公錫茲祉福惠我無疆子孫保之無封靡于爾邦維王其崇之念茲戎功繼序其皇之無競維人四方其訓之不顯維德百辟其刑之於乎前王不忘

烈文一章十三句

天作高山大王荒之彼作矣文王康之彼岵矣岐有夷之行子孫保之

天作一章七句

昊天有成命二后受之成王不敢康夙夜基命宥
密於緝熙畢厥心肆其靖之

昊天有成命一章七句

我將我享維羊維牛維天其右之儀式刑文王之
典日靖四方伊嘏文王既右享之我其夙夜畏
天之威于時保之

我將一章十句

時邁其邦昊天其子之實右序有周薄言震之莫
不震疊懷柔百神及河喬嶽允王維后明昭有
周式序在位載戢干戈載櫜弓矢我求懿德肆

于時夏允王保之

時邁一章十五句

執競武王無競維烈不顯成康上帝是臬自彼成
康奄有四方斤斤其明鐘鼓喤喤磬筦將將降
福穰穰降福簡簡威儀反反既醉既飽福祿來
反

執競一章十四句

思文后稷克配彼天立我烝民莫匪爾極貽我來
牟帝命率育無此疆爾界陳常于時夏

思文一章八句

周頌臣工之什四之二

嗟嗟臣工敬爾在公王釐爾成來咨來茹嗟嗟保
介維莫之春亦又何求如何新畝於皇來牟將
受厥明明昭上帝迄用康年命我眾人痔乃錢
罇奄觀銍艾

畝音余 罇音博 銍珍藥反

臣工一章十五句

噫嘻成王既昭假爾率時農夫播厥百穀駿發爾
私終三十里亦服爾耕十千維耦

噫嘻一章八句

振鷺于飛于彼西雝我客戾止亦有斯客在彼無

惡在此無斁庶幾夙夜以求終譽

振鷺一章八句

豐年多黍多稌亦有高廩萬億及秭為酒為醴烝
畀祖妣以洽百禮降福孔皆

豐年一章七句

有瞽有瞽在周之庭設業設虞崇牙樹羽應田縣
鼓鞀磬祝圉既備乃奏蕭管備舉嗶嗶厥聲肅
雝和鳴先祖是聽我客戾止永觀厥成

有瞽一章十三句

猗與漆沮潛有多魚有鱸有鮪鰭鱮鯉以享以

祀以介景福

潛一章六句

有來雝雝至止肅肅相維辟公天子穆穆於薦廣
牡相予肆祀假哉皇考綏予孝子宣哲維人文
武維后燕及皇天克昌厥後綏我眉壽介以繁
祉既右烈考亦右文母

離一章十六句

載見辟王曰求厥章龍旂陽陽和鈴央央脩革有
鶴休有烈光率見昭考以孝以享以介眉壽永
言保之思皇多祐烈文辟公綏以多福俾緝熙

于純嘏

載見一章十四句

有客有客亦白其馬有萋有且敦琢其旅有客宿
宿有客信信言授之縶以縶其馬薄言追之左
右綏之既有淫威降福孔夷

敦都回反

有客一章十二句

於皇武王無競惟烈允文文王克開厥後嗣武受
之勝殷遏劉耆定爾功

武一章七句

周頌閔予小子之什四之三

詩經王叔

下

六十六

閔予小子遭家不造嬛嬛在疚於乎皇考永世克
孝念茲皇祖陟降庭止維予小子夙夜敬止於
乎皇王繼序思不忘

閔予小子一章十一句

訪予落止率時昭考於乎悠哉朕未有艾將予就
之繼猶判渙維予小子未堪家多難紹庭上下
陟降厥家休矣皇考以保明其身艾盡也

訪落一章十二句

敬之敬之天維顯思命不易哉無曰高高在上陟
降厥士日監在茲維予小子不聰敬止日就月

將學有緝熙于光明佛時仔肩示我顯德行

敬之一章十二句

佛躬通

予其懲而茲後患莫予拜蜂自求辛螫肇允彼桃
蟲拚飛維鳥未堪家多難予又集于蓼螫施隻反
拚芳煩反

小苾一章八句

澤音釋

載芟載柞其耕澤澤千耦其耘徂隰徂畛侯主侯
伯侯亞侯旅侯疆侯以有嗇其饁思媚其婦有
依其士有略其耜俶載南畝播厥百穀實函斯
活驛驛其達有厭其傑厭厭其苗縣縣其庶載
穫濟濟有實其積萬億及秭為酒為醴丞畀祖

妣以洽百禮有飶其香邦家之光有椒其馨胡
考之寧匪且有且匪今斯今振古如茲

嬰楚側反

載芟一章三十一句

畷畷良耜俶載南畝播厥百穀實函斯活或來瞻
女載筐及筥其饒伊黍其苙伊紉其鏞斯趙以
媻茶藜茶藜朽止黍稷茂止穫之揜揜積之栗
栗其崇如墉其比如櫛以開百室百室盈止婦
子寧止殺時特牲有捄其角以似以續續古之
人揜音質

良耜一章二十三句

絲衣其紵載弁侏侏自堂徂基自羊徂牛鼐鼎及
鼐兕觥其觶旨酒思柔不吳不敖胡考之休

絲衣一章九句

絲字浮反 鼐乃代反 鼐音才

於鑠王師遵養時晦時純熙矣是用大介我龍受
之躋躋土之造載用有嗣實維爾公允師

酌一章八句

龍龍同

綏萬邦屢豐年天命匪解桓桓武王保有厥土于
以四方克定厥家於昭于天皇以間之

桓一章九句

文王既勤止我應受之敷時繹思我祖維求定時

周之命於釋思

音 應當也

賚一章六句

於皇時周陟其高山
隴山喬嶽允猶翕河
敷天之
下哀時之對時周之命

般一章七句

魯頌四之四

駟駟牡馬在坰之野
薄言駟者有駟有駟
有皇有驪有黃以車
彭彭思無疆思馬斯
臧駟駟牡馬在坰之野
薄言駟者有駟有駟
有騶有駟有騶以車
任任思無期思馬斯
才

駟古榮反坰同音

騶儿吉反

騶音佳

任符丕反

駟駟牡馬在坰之野
薄言駟者有駟有駟
有駟有駟

騶徒河反

駟音留

駟駟牡馬在坰之野
薄言駟者有駟有駟
有駟有駟

駟音因駟音退

騶音留

駟四章章八句

有駟有駟彼乘黃
夙夜在公在公明明
振振鷺鷺于下鼓咽
咽醉言舞于胥樂兮
有駟有駟彼乘牡
夙夜在公在公飲酒
振振鷺鷺于飛鼓咽
咽醉言歸于胥樂兮
有駟有駟彼乘駟
夙夜在公在公載燕
自今以

駟音必反

駟呼縣反

始歲其有君子有穀詒孫子于孫樂兮

有駉三章章九句

思樂泮水薄采其芹魯侯戾止言觀其旂其旂

旒鸞聲噦噦無小無大從公于邁旒音肅反

思樂泮水薄采其藻魯侯戾止其馬蹻蹻其馬蹻

蹻其音昭昭載色載笑匪怒伊教

思樂泮水薄采其芣魯侯戾止在泮飲酒既飲肯

飲酒未錫難老順彼長道留此羣醜屈服也

穆穆魯侯敬明其德敬慎威儀維民之則允文允

武昭假烈祖靡有不孝自求伊祐

明明魯侯克明其德既作泮宮淮夷攸服矯矯虎

臣在泮獻馘淑問如臯陶在泮獻囚

濟濟多士克廣德心桓桓于征狄彼東南烝烝皇

皇不吳不揚不告于訕在泮獻功狄花邊也

角弓其觶束矢其搜戎車孔博徒御無斃既克淮

夷孔淑不逆式固爾猶淮夷卒獲

翩彼飛鴉集于泮林食我桑黹懷我好音憬彼淮

夷來獻其珠元龜象齒大賂南金

泮水八章章八句音戲

闕宮有恤實實枚枚赫赫姜嫄其德不回上帝是

依無災無害彌月不遲是生后稷降之百福黍
稷重穆種植菽麥奄有下國俾民稼穡有稷有
黍有稻有秬奄有下土績禹之緒植音職

后稷之孫實維大王居岐之陽實始翦商至于文
武績太王之緒致天之屆于牧之野無貳無虞
上帝臨女敦商之旅克咸厥功王曰叔父建爾
元子俾侯于魯大啓爾宇為周室輔敦治之也 成同也
乃命魯公俾侯于東錫之山川土田附庸周公之
孫莊公之子龍旂承祀六轡耳耳春秋匪解享
祀不忒皇皇后帝皇祖后稷享以騂犧是饗是

宜降福既多周公皇祖亦其福也耳音兒

秋而載嘗夏而福衡白牡騂剛犧尊將將毛魚載
芣蘩豆大房萬舞洋洋孝孫有慶俾爾熾而昌
俾爾壽而臧保彼東方魯邦是常不虧不崩不
震不騰三壽作朋如岡如陵臧側更反

公車千乘朱英綠縢二矛重弓公徒三萬貝冑朱
綬烝徒增增戎狄是膺荆舒是懲則莫我敢承
俾爾昌而熾俾爾壽而富黃髮台背壽胥與試
俾爾昌而大俾爾耆而艾萬有千歲眉壽無有
害綬音侵

泰山巖巖魯邦所詹奄有龜蒙遂荒大東至于海
邦淮夷來同莫不率從曾侯之功
保有鳧繹遂荒徐宅至于海邦淮夷蠻貊及彼南
夷莫不率從莫敢不諾魯侯是若
天錫公純嘏眉壽保魯居常與許復周公之宇魯
侯燕喜令妻壽母宜大夫庶士邦國是有既多
受祉黃髮兒齒
徂來之松新甫之栢是斷是度是尋是尺松栢有
鳥路寢孔碩新廟奕奕奚斯所作孔曼且碩萬
民是若

闕宮九章五章章十七句二章章八句二
章章十句

商頌之什四之五

猗與那與置我鞀鼓奏鼓簡簡衍我烈祖湯孫奏
假紘我思成鞀鼓淵淵嘒嘒管聲既和且平依
我磬聲於赫湯孫穆穆厥聲庸鼓有數萬舞有
奕我有嘉客亦不夷懌自古在昔先民有作溫
恭朝夕執事有恪顧予烝嘗湯孫之將

那一章二十二句

數音亦 夷悅也

嗟嗟烈祖有秩斯祐申錫無疆及爾斯所既載清

同韻

酤資我思成亦有和美既戒既平駸假無言時
靡有爭綏我眉壽黃者無疆約軼錯衡八鸞鶴
鶴以假以享我受命溥將自天降康豐年穰穰
來假來饗降福無疆顧予烝嘗湯孫之將

列祖一章二十二句

軼音祈支反

天命玄鳥降而生商宅殷土芒芒古帝命武湯正
域彼四方方命厥后奄有九有商之先后受命
不殆在武丁孫子武丁孫子武王靡不勝龍旂
十乘大糇是承邦畿千里維民所止肇域彼四
海四海來假來假祈祈景員維河殷受命咸宜

百祿是何

玄鳥一章二十二句

濬哲維商長發其祥洪水芒芒禹敷下土方外太
國是疆幅隕既長有娥方將帝立于生商
玄王桓撥受小國是達受大國是達率履不越遂
昔視既發相土烈烈海外有截
帝命不違至于湯齊湯降不遲聖敬日躋昭假遲
遲上帝是祗帝命式于九圍
受小球大球為下國綏旒何天之休不競不綌不
剛不柔敷政優優百祿是遒

詩經卷之三

受小共大共為下國駿厖何天之龍敷奏其勇不
震不動不難不疎百祿是總

龍龍同 厖音元

武王載旆有虔秉鉞如火烈烈則莫我敢曷苞有

三蘂莫逐莫違九有有截韋顧既伐昆吾夏桀

昔在中葉有震且業允也天子降予卿士實維阿

衡實左右商王

長發七章一章八句四章章七句一章章

九句一章章六句

捷彼殷武奮伐荆楚深入其阻哀荆之旅有截其
所湯孫之緒

維女荆楚居國南鄉昔有成湯自彼氐羌莫敢不

來享莫敢不來王曰商是常

天命多辟設都于禹之績歲事來辟勿予禍適稼

穡匪解

適適通

天命降監下民有嚴不僭不濫不敢怠遑命于下

國封建厥福

商邑翼翼四方之極赫赫厥聲濯濯厥靈壽考且

寧以保我後生

陟彼景山松柏丸丸是斷是遷方斲是虔松栴有

榘旅楹有閑寢成孔安

九音完

殷武六章三章章六句二章章七句一章五句

詩經終

寬保元年辛酉三月吉辰

堀川書舖


松梅軒藏

跋新刊五經正文後

古稱書不盡言。言不盡意。中華尚然。况四方之國。自非中華。皆不能不譯以通之。如本邦讀書固然。國音國語。倒置轉換。纔足以畧通大義。不亦難乎。蓋出其不得已也。譯自有古今。地方之不同焉。此亦不可不詳也。百年来。旁譯五經者數十家。大率逐字音譯兼副。則欲瞭然乎心目。而間或迂僻者。不為鮮矣。童蒙艱焉。近者應書賈

某之需而就。東厓先生校本重訂正之。凡易則從程本。書則別古今文。禮則以學庸復其舊。蓋竊寓鄙見也。若夫一字該數義者。從來古本邦經生所忽。而今音註圈發以別之。庶幾開卷之際。而免檢字之煩乎。止為童蒙之資爾。元文紀元丙辰十月穀旦。門人土佐井戶冕謹跋。

古蘇書不盡言信不中
超條修正錄



五經無點	公羊傳穀梁傳	瑯邪代醉篇	同六臣誡	文選傍訓大全	正續文章軌範	三國志	同道乙點	通鑑綱目	平安書肆植村玉枝軒儒書藏板目錄
六冊	十四冊	廿三冊	六十一冊	十冊	四冊	四十冊	百六冊	百十冊	
新刻蒙求	蒙求	春王正月考	孝經白文	正續博物志	劉向新序	晏子春秋	周禮全註	周禮儀禮	
三冊	三冊	三冊	一冊	四冊	五冊	五冊	十五冊	六冊	
書經天度辨	梧窓客談	儒門思門錄	論孟精義	述異記	藝苑卮言	五雜俎	莊子音義	郭注莊子	
六冊	二冊	四冊	十四冊	二冊	八冊	八冊	三冊	十冊	

歸正漫錄	古文真寶	小學白文	小學句讀頭書	大極圖說頭書	北山記聞	護園隨筆	辨疑錄	金華先生文集
儒佛問答 安井真祐一冊	片九附 二冊	片九附 二冊	八冊	熊亨菴 一冊	大山間書 六冊	但來先生 三冊	伊藤長胤 四冊	平野源吉 四冊
本朝年號便覽	官位裝束指掌圖	裝束拾要抄	紫式部日記傍註	職原抄私記	江家次第	神道深秘	神道名目類聚抄	神代卷私說
速水房常 一冊	折本一冊 德田良方	二冊	龜井先生 二冊	四冊	大江匡房 十九冊	傳教大師 二冊	六冊	白井宗因 八冊
瀛奎律髓	玉壺詩稿	唐詩韻雋	鍾情集	排韻詩稿	一家詩品	皇元風雅前後集	李杜絕句	續皇明詩選
方回万里 十冊	蘭皋先生 四冊	時港龍肅明 一冊	服憲卿遺詩 一冊	一冊	梁鍾鑾 唐司空圖 一冊	六冊	李太白 社子義 四冊	李卓吾 二冊
江陵集	大明晉安風雅	閑居編	瑞林集	東坡五百言抄	濟北集	和韓唱酬集	詩林良材	增續韻府
萬菴和尚詩文 四冊	邵余孫惟和 四冊	孤山智田詩文 十冊	智積院運教詩文 十冊	二冊	東福寺虎蘭詩文 十冊	七冊	水朔子翁 六冊	陰時天助強 卅八冊
日本書籍考	本朝年代記	太平記	世事根元	扁額口談	愈愚隨筆	分類群書故事大全	野語述說	洪武正韻彙編
附經典題說 林道春二冊	十一冊	廿一冊	二冊	一冊	有齋 十二冊	十二冊	壺峯仲九父 八冊	高皇帝 十冊
論蓋註疏	七書頭書	七書字義	歲華紀麗	入學紀綱	入學紀綱句解	七經孟子孝文補遺	增目續韻府	增田謙之 卅八冊
未刻 四十八冊	十三冊	阿州若千太郎 二冊	唐韓鄂撰 四冊	楊齋 一冊	增田謙之 一冊	卅二冊	卅八冊	
賈宜新書	新選朗詠集	新選朗詠集	新選朗詠集	新選朗詠集	新選朗詠集	新選朗詠集	新選朗詠集	新選朗詠集
十冊	藤原基俊 二冊	二冊	二冊	二冊	二冊	二冊	二冊	二冊

歸正漫錄	古文真寶	小學白文	小學句讀頭書	大極圖說頭書	北山記聞	護園隨筆	辨疑錄	金華先生文集
儒佛問答 安井真祐一冊	片九附 二冊	片九附 二冊	八冊	熊亨菴 一冊	大山間書 六冊	但來先生 三冊	伊藤長胤 四冊	平野源吉 四冊
本朝年號便覽	官位裝束指掌圖	裝束拾要抄	紫式部日記傍註	職原抄私記	江家次第	神道深秘	神道名目類聚抄	神代卷私說
速水房常 一冊	折本一冊 德田良方	二冊	龜井先生 二冊	四冊	大江匡房 十九冊	傳教大師 二冊	六冊	白井宗因 八冊
瀛奎律髓	玉壺詩稿	唐詩韻雋	鍾情集	排韻詩稿	一家詩品	皇元風雅前後集	李杜絕句	續皇明詩選
方回万里 十冊	蘭皋先生 四冊	時港龍肅明 一冊	服憲卿遺詩 一冊	一冊	梁鍾鑾 唐司空圖 一冊	六冊	李太白 社子義 四冊	李卓吾 二冊
江陵集	大明晉安風雅	閑居編	瑞林集	東坡五百言抄	濟北集	和韓唱酬集	詩林良材	增續韻府
萬菴和尚詩文 四冊	邵余孫惟和 四冊	孤山智田詩文 十冊	智積院運教詩文 十冊	二冊	東福寺虎蘭詩文 十冊	七冊	水朔子翁 六冊	陰時天助強 卅八冊
論蓋註疏	七書頭書	七書字義	歲華紀麗	入學紀綱	入學紀綱句解	七經孟子孝文補遺	增目續韻府	增田謙之 卅八冊
未刻 四十八冊	十三冊	阿州若千太郎 二冊	唐韓鄂撰 四冊	楊齋 一冊	增田謙之 一冊	卅二冊	卅八冊	
賈宜新書	新選朗詠集	新選朗詠集	新選朗詠集	新選朗詠集	新選朗詠集	新選朗詠集	新選朗詠集	新選朗詠集
十冊	藤原基俊 二冊	二冊	二冊	二冊	二冊	二冊	二冊	二冊

續字彙補 <small>仁和吳仕臣志伊</small> 十四冊	字彙卷末解 <small>河野通清</small> 二冊	說文註 <small>漢許慎</small> 十二冊	說文字母集解 <small>井上芝菴</small> 六冊	說文字原 <small>未刻</small> 二冊	六書正偽 <small>五冊</small>	書體辨疑 <small>論</small> 一冊	篆隸千字文 <small>一冊</small>	算法根源記 <small>佐藤利左衛門</small> 五冊	算鑑記 <small>神原一學</small> 二冊
訓蒙故事要言 <small>宮川一翠子</small> 五冊	唐譯便覽 <small>岡島冠山</small> 五冊	唐語便用 <small>岡島冠山</small> 五冊	倭爾雅 <small>貝原好古</small> 五冊	續和漢名數 <small>貝原篤信</small> 三冊	袖玉伊呂波韻 <small>一冊</small>	梅花心易明鑑 <small>二冊</small>	京都書林玉枝軒 <small>德川通高</small> 一冊	江戶出店 <small>通本</small> 一冊	大坂出店 <small>高橋</small> 一冊
詩林良材後篇 <small>水胡子</small> 十二冊	詩法入門 <small>六冊</small>	詩法授幼抄 <small>神原玄甫</small> 五冊	和語圖機活法 <small>宮川一翠子</small> 十冊	增補國花集 <small>毛利虛白</small> 二冊	越王帖 <small>廣沢先生書</small> 一冊	世寶秘苑要術 <small>藤井以來子</small> 五冊	植村藤右衛門 <small>德川通高</small> 一冊	植村藤三郎 <small>通本</small> 一冊	植村藤三郎 <small>高橋</small> 一冊

張部古箱

子河花出三海

通文此世

